



Inuit Issittormiut Siunnersuisoqatigiiffiata tusagassiorfinnut nalunaarutaa

02.12. 2020

**Issittumi umiarsuit angallannerat suli isumannaannerussasoq Inuit Issittormiut
Siunnersuisoqatigiiffiannit kaammattuutigineqarpoq**

Imarsiorneq pillugu Nunat tamalaat suleqatigiiffiata uuliamik kinertumik inerteqquteqalernera sakkukippallaarpoq.

Imarsiorneq pillugu Nunat tamalaat suleqatigiiffianni (IMO) Imaani Avatangiisinik Illersuinermit Ataatsimiititaliap (MEPC 75) attaveqaatit atorlugit ataatsimiinneri 16.-20. november 2020 ingerlanneqartut Inuit Issittormiut Siunnersuisoqatigiiffiannit (ICC) peqataaffigineqarput.

Issittumi umiarsuit angalanerat pillugu malittarisassat pitsaanerpaatikkumallugit, uuliamik kinertup paaliornera pitsaaliorumallugu kiisalu issittumi inuiaqatigiit uumassusileqarfiillu taakkununga attuumassuteqartut peqqittuinnaqqullugit ataannaqqullugillu Nunat Tamalaat Imarsiorneq pillugu Suleqatigiiffiat issittup imartaani angallaneq pillugu isumaqatigiinniarneri Inuit Issittormiut Siunnersuisoqatigiiffiata peqataaffigeqqissaartarsimavai tamatumanilu oqartussanik suleqateqartarluni.

Issittumi umiarsuit angallannerat issittup aningaasarsiornikkut ineriartortuarnissaanut qitiulluinnarpoq, tamatumunngalu ilaapput inoqarfinnut sumiiffinnillu avinngarusimasunut nioqqutissanik sullissinernillu pilersuinerit ingerlaannarnissaat.

”Inuit Issittormiut Siunnersuisoqatigiiffiat isumaqarpoq Nunat tamalaat Imarsiorneq pillugu Suleqatigiiffiata issittumi umiarsuit angalanerannut maleruagassiai nutaat Issittup imartaata illersorneqarneranik pitsaanerulersitsissasut taamalu inuit nerisassaqarniarnernannik, umiarsuit inuttaannik, kiisalu issittup imartaanik atuisut aningaasatigut soqutigisaannik isumannaanerulersitsissallutik.” Dalee Sambo Dorough, Nunani tamalaani Inuit Issittormiut Siunnersuisoqatigiivisa siulittaasua oqarpoq.

”Uulia kinertoq pillugu malittarisassat maanna atuuttut, akuerineqarnermissut ittut, ukiuni qulikkaani Issittup uuliamut kinertunut pitsaasumik illersorneqarnissaanik qularnaarinaviannngillat, taamaattorli inerteqquteqarnermik ersersitsillutik. Ajoraluartumik peqqussutit nunat kiisalu nunat tamalaat imartaasa avatangiisaannik illersuineq eqqarsaatigalugu assigiinngissitaartunik imaqarput, taamalu killeqarfii pitarlugit mingutitsinerit killilersimaarneqarsinnaaneranik aporfegalersitsillutik. Uuliamut kinertumut inerteqqutip oqaasertai taakkulu tamakkiisumik oqaluuserineqarsinnaasimannginnerat kiisalu Imaani Avatangiisinik Illersuinermit Ataatsimiititaliami (MEPC 75) oqallinnerit killeqarsimanerat Inuit Issittormiut Siunnersuisoqatigiiffiannit pakatsissutigineqarpoq. Taamaattorli Inuit Issittormiut Siunnersuisoqatigiiffiat ataatsimiinnernut taakkununga tunniusimalluni peqataasartutut Imaani Avatangiisinik Illersuinermit Ataatsimiititaliap (MEPC 76) 2021-mi ataatsimiinnissaa sioqqullugu peqqussutip oqaasertaanik pitsanngorsaannissamut qilanaarpoq, Canadami Inuit Issittormiut Siunnersuisoqatigiiffiata siulittaasuata tullia Lisa Koperqualuk oqarpoq.

Illersuineq, ukiut qulit qaangiuppata aatsaat atuutilersussaq, uuliamik kinertumik aniasoornerup

kingunipilugisinnaasaanut illersuutaanngilaq taamalu silap pissusiata pitsaanngitsumik sunnigaanissaanut illersuutaanani. ICC isumaqarpoq piffissaq qaninnerusoq eqqarsaatigalugu silap pissusaata allanngoriartorneranut aaqqiissutissaq pitsaanerpaqq tassassasoq Issittumi uuliap kinertup paaliornanik anikillisaanissaq. Uuliamut kinertumut inerteqqut naleqqunnerusoq tamatuminna paasinniffiusimassagaluarpoq, kiisalu uuliamik maqisoornermut illersuutissanik sukumiinerusunik atuutsisisimassagaluarluni taamalu issittup imartaata innarlugaasinnaaneranut illersuilluarnerusimassagaluarluni.

Imaani Avatangiisinik Illersuinerlut Ataatsumiitaliami (MEPC 75) oqallinnerit sioqqullugit Inuit Issittormiut Siunnersuisoqatigiiffiata neriutigaa malittarisassat sanioqqunneqarsinnaanerinik killiliinikkut peqqussut sakkortunerulersinneqarsinnaassasoq, pingaartumik Issittumi malittarisassanik sanioqqutsinnaanerinik eqqarsaatigalugit.

Issittumi umiarsuarnik angalanermi orsussat isumannaannerusut piunasaqaatigineqalernissaata tungaanut ukiut qulit ingerlaqqaarnissaat pissutigalugu Issittoq sulit ukiorpassuarni uuliamik kinertumik aniasoornermut tassannagaluaaliornermut navianartorsiortussaavoq. Imaani Avatangiisinik Illersuinerlut Ataatsumiitaliami (MEPC 75) oqallinnerit qanittuklut pisut inernerat pakatsinartutut Inuit Issittormiut Siunnersuisoqatigiiffiata isigaa.

Nunat tamalaat Imarsiorneq pillugu Suleqatigiiffiani kiisalu Issittumi uuliap kinertup inerteqqutaalernissaa Inuit Issittormiut Siunnersuisoqatigiiffiannit sulit ilungersuutigeqqinneqassaaq, tamatumalu malitsigisaanik kikkut attuumassuteqartut tamarmik, naalagaaffiit allalu pineqartut inoqarfinni illersuiniutissanik upalungaarsimanerulertariaqarput tamatumuunakkut uuliamik kinertumik aniasoortoqaratarsinnaanera piareersimaffiginiarlugu kiisalu tikkuartariaqartassallugu paaq Issittup silaata pissusianut pitsaanngeqisumik sunniuttarmat.

Inuit Issittormiut Siunnersuisoqatigiiffiat neriuppoq inuussutissarsiutinik ingerlatsisut, oqartussat kiisalu allat peqatigalugit apeqqutit tamakku ingerlariaqqiffiusinnaassasut.

Paasissutissanik pissarsinissamut attavissat:

Dalee Sambo Dorough, ICC's internationale formand

Ph.: +1 907 440 2539

Lisa Koperqualuk, vicepræsident, ICC Canada.

Ph.: +1 438 490 5447